

МИРЗАЧЎЛНИНГ ЎРТА АСРЛАРДАГИ ШАҲАРСОЗЛИК МАДАНИЯТИ

*Гулистон давлат педагогика институти в.б.доценти,тарих фанлари бўйича
фалсафа доктори*

Мирзалиев Улуғбек

География ва иқтисодий билим асослари,5-22 гуруҳ талабаси

С.Бобожонов

Сирдарё вилояти қадимда деҳқончилик билан шуғулланувчи суғдлар ва бактрияликлар ҳамда чорвадор скиф-сак қабилалари чегарасида жойлашганди. Дастлаб бу ҳудуд қадимги Суғд давлати таркибига, кейинроқ эса мустақил Уструшона давлати таркибига кирган. Бу ерда ўзига хос деҳқончилик ва чорвадорлик маданиятининг қоришиқ тури вужудга келган. Қадимда грек-македон қўшинлари ўтиши билан мустьяхкам қалъалар қурилган, карвон йўлларида дам олиш кўналғалари, сардобалар, дарёдан ўтиш жойлари вужудга келган ва йиллар ўтиши билан худди шу жойларда шаҳарлар ташкил топган.

Узоқ Шарқни Олд Осиё билан ғарбий Европа халқларини бирлаштирувчи қадимий савдо йўналиши - Буюк Ипак йўли маълум маънода қадимий Мирзачўл ҳаётида ҳам муҳим роль ўйнаган. Ўрта асрлар даврига келиб савдо йўлларининг кенгайиши, чорвадор халқлар ичига ҳам карвонлар боришга имконияти яратилиши билан Мирзачўлда ҳам шаҳарлар вужудга кела бошлади. Бундай шаҳарлардан биз Сайхунобод туманидаги Нурота (Хушкат), Янгиобод туманидаги Эски Ховос, ҳозирги Савот қишлоғи яқинидаги Култепа шаҳарларини айтиб ўтиш кифоя.

Таъкидлаб ўтмоқ жоизки, қадимий карвон йўлининг Суғд ва Чочни бирлаштирувчи қисми Мирзачўлнинг шимолий ҳудудларидан ўтган эди.

Араблар истилосидан кейинги даврда Марказий Осиёнинг иқтисодий юксалиши Мирзачўлни Шарқий қисми дарё бўйи карвон йўлининг ривожланишига сабаб бўлди. Мирзачўлнинг жанубидан ўтган, Суғд-Хўжанд-Фарғона карвон йўлидан янги бир шаҳобча, яъни Сирдарё орқали Чочга ўтаган йўл вужудга келди. Бу йўл ўз навбатида Эски Ховос, Сирдарё бўйидаги Хушкат шаҳарлари ривожига олиб келади.

Юқорида қайд этилган ёдгорликларнинг барчаси X-XII асрларга тааллуқли бўлиб, асосан улар карвон йўлларида жойлашган ёки кейинроқ айрим бирлари, Сирдарёдан ўтиш жойи бўлиб қолган. Бу карвон йўлининг охири эса Нурота ёки Хушкат шаҳрига олиб борган. Хушкатга боргач Сирдарёдан тўғри Бинокентга ундан эса Чочга томон карвон йўллари давом этган. Айнан IX-XI асрларда бу карвон йўлининг ривожланишига сабаб бу бир томондан кўчманчи-саклар истиқомат қилувчи шимолдан савдо карвонларига талончилик хужумлари кучайиб кетгани билан ҳам изоҳланади.

Нурота шаҳри ёдгорлиги Сайхунобод тумани, Шоликор жамоа хўжалиги худудида, Сирдарё бўйида жойлашган. Шаҳар худуди 40-45 гектарни ташкил этган,

ўзлаштириш даврида бир қисми экин экиладиган ерларга қўшиб юборилган, бир қисми устида замонавий қишлоқ жойлашган, қолган 7,5 гектари эса қабристон учун ажратилган. Мазкур шаҳар IX аср охирларида, Сирдарёнинг ўнг соҳилидаги Бинокент шаҳрига қаровонлар ўтувчи, кўрғон қўналға сифатида вужудга келган. Бу ердаги ҳаёт то XI аср биринчи ярмига қадар давом этган.

Иккинчи шаҳар ҳаётининг ривожланиш мўғуллар истилосидан кейинги даврга тўғри келади. Шаҳар ўрта асрлар даврида Хушкат номи билан юритилган.

Нурота шаҳар ёдгорлигидан топилган сопол буюм қолдиқлари, нумизматик (тангалар) топилмалар шаҳарнинг Шош (Чоч) билан узвий алоқада бўлганлигини исботлайди. Иккинчи томондан эса, мазкур шаҳар Уструшона шаҳарлари айнан, сомонийларнинг Култепа (Совот) шаҳри билан узвий алоқада бўлганлигини ашъвий далиллар кўрсатади. Шаҳар харобаларининг ташқи кўринишдан марказий минора бўлганлиги, шаҳар шимолидан жануб томон марказий бўлган. Шаҳарнинг тараққийсида Мовароуннахрнинг жанубий вилоятларини шимол билан бирлаштирувчи қаровон йўли катта роль ўйнаган. Араб географлари маълумотида кўра бу йўл Ховос орқали ўтган. Ибн Хурдодбек маълумотида кўра Ховосдан аш - Шош дарёси бўйига 9 фурсах бўлган. Кейин эса Бинокент кўпригидан ўтилган.

Ўлкамизнинг қадимий тарихини ўрганган археолог олим А.А.Грицинанинг фикрига кўра, Бинокент шаҳри қаршисида IX асрда аввал дарёдан кечиш жойида қаровонсарой бўлган. Чочда шу даврда мавжуд бўлган сопол буюмлар бу ердан ҳам топилган. Кейинчалик қаровонсарой атрофида шаҳар шаклланди.

Шўркўл яқинида Учёғоч, Мирза-Работ деган жойда ва ҳозирги Гулистон туманининг «Боёвут» ширкатлар уюшмасида жойлашган Қаллатепа деган жойда қаровонлар тўхтаб ўтиши учун қаровонсаройлар бўлган. Мазкур ҳудудларда қадимшунос олимлар М.Е.Массон, Ю.Ф.Буряков ва рус тарихчиси В.Ф.Караваевлар қаровонсаройлар қолдиғини кўрганликларини ёзиб қолдиришган. Араб географ сайёҳи Қудамма ҳам ўз даврида мазкур қаровонсаройлар ҳақида ёзиб қолдирган.

Хушкат (Нурота) шаҳрининг вужудга келиши Сомонийлар давлатининг шаклланиши ва юксалиши билан узвий боғлиқдир. Янги бир давлатнинг янги иқтисодий юксалиши сабабли вужудга келган Нурота шаҳри Сомонийлар давлати таназзули билан аста-секин харобага айланиб борган. X асрнинг ярмидаёқ Сирдарёнинг юқори оқимида қаровонларнинг янги бир ўтиш жойининг шаклланиши билан Хушкат шаҳри ҳам ўз аҳамиятини йўқотади.

Юқоридаги фикрларимиз шуни тасдиқлайдики, Мирзачўлда шаҳар маданияти Буюк ипак йўли ўтиши билан боғланади. Демак, Мирзачўлнинг ўзлаштирилиши тарихи ҳам Буюк ипак йўли тарихи билан узвий боғлиқдир.



АДАБИЁТЛАР:

1. Грицина А.А. Археологические памятники Съфдарьинской области.- Т.: «Фан», 1992.
2. Буряков Ю.А. Историческая топография городов Ташкентского оазиса.- Т.: «Фан», 1975.
3. Ибн Хурдадбек. Книга Путей и Стран. - Баку: «Элм», 1986.
4. Караваев В.Ф. Голодная степь в се прошлом и настоявдем-С.П.,1914.
5. Голодная степь, 1867-1917 История края в документах. М. 1981.
6. Нуриддинов З.В. Мнрзачўл ўтмишда ва хознр.- Т., 1957.